



UNIVERSITÄTS-
BIBLIOTHEK
PADERBORN

**D. D. Emanuelis Gonzalez Tellez, In Inclyta Salmanticensi
Academia Collegii Majoris Conchensis Alumni, &
antiquioris vespertinæ Sacrorum Canonum Cathedræ
propriarii Interpretis; in Pinciano Sanctæ ...**

Additis Notis uberioribus ab Historia, & Chorographia

Complectens Librum Qvintum

González Téllez, Emanuel

Francofurti Ad Moenum, 1690

Caput II. a Cœlestinus III.

[urn:nbn:de:hbz:466:1-74544](https://nbn-resolving.org/urn:nbn:de:hbz:466:1-74544)

NOTÆ.

1. **a** *Lingonienſi.*] Ita etiam legitur in prima collectione, *ſub hoc tit. cap. 1.* & poſt Concil. Lateran. *part. 26. cap. 9.* legitur *Livoniienſi*: ſed retinenda eſt vulgaris inſcriptio, quæ habet *Lingonienſi*; nam provincia Livoniienſis temporibus Alexandri III. adhuc fidem catholicam non ſuſceperat, ut notavi in *cap. Deus, qui de vita & honeſt. cleric.* De Lingonienſi, ſeu Linconienſi Eccleſia nonnulla notavi in *cap. 8. de reſcript.*
2. **b** *Archidiaconorum.*] Ad quos jure communi competit præſentatio ordinandorum, examen, & diſcuſſio, an probi ſint, vel non, ad ordines, *cap. ad hoc. cap. ut Archidiaconus, de offic. Archid. cap. unic.* ubi probavi, *de ſerminio ad ordin. faciend.* ubi notavi, & probat latè Hallierius *de ſacrie elect. part. 1. art. 1. per totum.* Unde juxta juriſdictionem propriam poterant Archidiaconi ſub anathemate prohibere, ne ad ordines accederent ab iſiſ non examinati, & approbati.
3. **c** *Prelatorum.*] Parochorum videlicet, qui Prælati cum facultate excommunicandi appellantur in *cap. 2. & 3. de offic. ordin.* quare Gloſſa in *cap. in capite, verbo Injungere, diſt. 30.* aſſerit Episcopum non debere revocare ſententias excommunicationis prolatas ab eorum Prælatiſ, id eſt paro-

chis, ut probavi in *diſt. cap. 2. de offic. ordin.* & docent Fileſacus in *diſt. cap. 3.* Unde cum jure communi attentio parochi non ſolum teneretur præſtare teſtimonium de propriis parochianis ordinandis, verum & eos Episcopo præſentare, Concil. Vaſenſe, 2. *can. 1. Emerit. can. 18. Nannerenſe can. 11. ibi: Quando Episcopus ordinationem facere præſumit, omnes, qui ad ſacrum miniſterium accedere voluerint, ſeriâ IV. ante ipſam ordinationem vocandos eſſe unâ cum præbyteris, qui eos præſentare debent.* Unde quemadmodum Archidiaconi proprios clericos civitatis ſibi ſubditos; ita & Archiprebyteri clericos ſuarum parochiarum Episcopo ordinanti præſentabant, & in ipſo actu ordinationis anathema proferitur in omnes, qui furtivè ad ordines accedunt, ut cavetur in Pontificali Romano, *part. 1. tit. de ordinibus conferendis, prope finem*: ubi ritus ille præſcribitur, videlicet ut antequam ordinationes celebrentur, aliquis nomine Episcopi ordinaturi præcipiat, & mandet, ne quis non deſcriptus, examinatus, approbatus, & nominatus ullo pacto audeat ad ſuſcipiendos ordines accedere: de quo anathemate agit Alexander III. in præſenti: quod anathema proferre poterant parochi, & Archidiaconi, ex propria juriſdictione, juxta ſupra tradita: vel nomine Episcopi, juxta ritum deſcriptum in Pontificali Romano.

CAPUT II.

a Cœleſtinus III.

CUm H. lator præſentium, ſicut nobis ſua quæſtione monſtravit, ad tuam (ordinationis cauſâ) præſentiam acceſſiſſet, juxta conſuetudinem patriæ ſibi **b** quatuor minores ordines contuliſti, quibus non contentus, ſubdiaconatum temerario aſuſ recipit. Quia verò idem clericus in hoc factò multum exceſſit, mandamus, quatenus cum in minoribus dumtaxat ordinibus celebrare permittas. Si verò domum religionis intraverit, & vita, & mores ejus exegerint, Abbas (ſi voluerit) in aliis poterit ordinibus diſpenſare.

NOTÆ.

- a** *Cœleſtinus III.*] Ita etiam legitur in ſecunda collectione, *ſub hoc tit. cap. 1.* nullibi

tamen exprimitur, cui reſcribat Pontifex.

b *Quatuor minores.*] Ritè, & rectè, juxta tradita in *cap. cum dilectus, de temporib. ordin.* ubi commentarium hujus textus dedimus.

CAPUT III.

a Idem.

Innotuit nobis ex tenore tuarum litterarum, quod G. Clericus lator præſentium, & alii duo de tua diœceſi ad G. quondam **b** Saguntin. Episcopum accedentes, licet ab eodem Episcopo ſub excommunicationis ſententia fuiſſet diſtrictè prohibitum, ne quis ſe ad duos ordines ſuſcipiendos ingereret; prædicti tamen clerici non minus diaconatus, & ſubdiaconatus ordinem clanculo ſuſceperunt. Quia igitur quid tibi faciendum ſit pro his, tu nos duxit fraternitas conſulendos, tibi auctoritate Apoſtolica reſpondemus, quod ordinati de rigore juris in ſuſceptis ordinibus miniſtrare non debent: verumtamen, ſi ſe ad religionem aliquam voluerint tranſferre, & peractâ pœnitentiâ eis pro tuo arbitrio injunctâ ibidem laudabiliter fuerint converſati, proceſſu temporis cum eis poteris de noſtra licentia diſpenſare, ut poſtmodum ſuſceptorum ordinum executione lætentur. Præterea pro dicto etiam G. cum in perſona propria laboraverit, F. tuam rogamus attentius, & monemus, ut eum facias in canonicum regularem ſancti Petri de Seia, vel in alium religioſum locum, ubi deploret exceſſum, tanquam fratrem aſſumi, ut ſi ei ibidem viventis regulariter ſua merita videris ſuffragari, miniſtrandi, prout diximus, tribuas **a** facultatem.

NOTE.